




漢書門			
1110	1110	1110	1110
冊	架	函	號

內閣文庫			
1110	1110	1110	1110
函	冊	架	類

內閣文庫	
番號	漢 13010
冊數	120 ( 46 )
函號	301 64



癬

病源論云癬發之狀皮肉癢疹有如錢文漸漸長胤

或圓或斜痒痛有匡闌癬内生蟲搔之有冰此由風

濕邪氣客於腠理復值寒濕與血氣相搏血氣閉凝

則發此疾風癬者是惡風冷氣客於皮折於血氣




所生亦作圓文匡闌但抓搔頑痺不知痛痒內亦有

蟲又有逸風瘡生則遍體狀如癬疥而痒此由風

氣逸於皮膚因名為逸風瘡也乾癬者但有匡闌

皮枯索痒搔之白屑起是也亦是風濕邪氣客於腠

理復值寒濕與血氣相搏所生若風毒氣多濕氣少



故風沉入深故無水而為乾癬中亦有蟲 又有白  
癬其狀白色而痒此由腠理虛而受風風與氣并血  
澁而不能榮肌肉故也 濕癬者亦有匡闌如蟲行  
浸淫赤濕遇痒搔之多水成瘡蓋風毒氣淺濕氣偏  
多而為濕癬中亦生蟲  
丹溪云癬瘡用防風通聖散去芒硝大黃加浮萍皂  
角刺

又方治癬用

浮萍 壹兩

蒼耳

蒼朮 貳兩

苦參 壹兩

黃芩 半兩

香附 貳兩

右為末酒調服或酒糊丸

何首烏散羅氏

治脾肺風毒攻腫遍身癬變成癧疹

搔之成瘡或有背拘急肌肉頑痺手足痠裂風氣

上攻頭面生瘡及治紫癩白癩頑麻等風並宜服

之

荆芥穗

蔓荆子

威靈仙

何首烏

甘草 炙

防風

蚶蚞草 各等分

右搗羅為末每服壹錢食後

溫酒調下沸湯亦

得

鮮

外科

癩

白蒺藜散

治一切癬及疥風痒癩瘡等疾

白蒺藜

秦光去蘆

枳殼麩炒去穢

獨活

防風並去蘆各真兩

人參

苦參

玄參

丹參

沙參

甘菊花

梔子仁

黃芩

茯神去木

柴萸

細辛

麻黃去節各真錢半

烏蛇肆兩酒浸取肉

右為細末每服貳錢食前温酒調下

苦參丸

治肺毒邪熱生瘡疥癬並宜服之以苦參

一味為細末粟米飯丸如桐子大每服伍拾丸空

心温水飲湯送下

苦參丸

治一切癬皮膚瘙痒

苦參

去蘆壹斤半剉

菖蒲肆兩

烏蛇捌兩酒浸取肉

右為細末煉蜜和搗三五百下丸如梧桐子大每

服叁拾丸熟米送下不拘時候

三神丸

治一切癬

蒺藜炒

海桐皮剉

草烏頭鹽炒熟去鹽不

用各壹兩

右為細末麵糊和丸如菉豆大每服拾丸加至拾

伍丸温酒鹽湯送下

死治 胡粉散 治一切癬瘡瘙癢甚者

胡粉 別研 雄黃 別研

大草烏 參錢 生用 蟾蜍 壹錢

蠟稍 參錢 麝香 叁分

硫黃 別研各 壹錢半 砒 伍分

右為細末先用羊蹄根蘸醋擦動次用藥少許擦患處

銀粉散 治一切頑癬

輕粉 黃丹

瀝青 各等分

白膠香

右為細末麻油調拭淨或抓破竹篦挑搽二次便

乾數次剝去殼也治半皮癬如神

八寶散 治風癩松皮頑癬久不愈者一鄉人患此疾數年不愈後得此方試用有效

藿香

破故紙

檳榔

大腹皮

雄黃

輕粉

硫黃

白礬 枯各壹兩

右為細末小油調擦日上三五次痒則擦之

五倍子散 治癬久不瘥 五倍子 壹兩火燒烟盡

當歸 剉炒

膩粉

漏蘆

白礬 煨各壹分

右為細末先用鹽漿水洗拭乾敷之

丁香散 治一切癬

丁香 研

蝦蟆灰 各壹兩

麝香 研貳錢半

白礬 熬令汁枯研

五倍子 研

膩粉 研各半兩

右研勻乾傅癬上以瘡為度

水銀膏 治一切癬

水銀 貳錢半

蕪荑仁 研末

薑黃 研末各半兩

酥 貳兩

右先將酥和水銀以柳椎研攪候水銀散即下蕪荑末攪勻磁盒盛旋取塗癬上日三二次

定粉膏 治乾濕癬風癬不拘年月

定粉

水銀

蕪荑

胭脂 各壹分

右同研勻用陳豬脂壹兩同研成膏先用湯洗後以膏子臨臥塗之一上便瘥本法豬脂須用三年以上者今若無但陳者亦可仍用後方淋洗

棟實 半升如無實以根皮代之

棟葉及嫩枝 細

凌霄花及藤 剉細各壹升

枳殼 去穰

蛇床子

地榆

丹參

皂莢

苦參 並細剉各叁兩

右同煎濃汁熱洗患處

黃連膏 治一切久癬積年不瘥四畔潛侵復變成瘡瘡疱赤黑痒不可忍搔之出血

黃連 去鬚

黃蘗 去粗皮 豉 細研

蔓菁子

杏仁 湯浸去皮尖雙仁細研各半兩

水銀 壹錢

右先以水銀於掌中唾研如泥次入乳鉢內下生油壹合和勻次入藥末同研成膏磁盒盛日三五度塗瘡上

癬瘡方 槿樹皮不犯銅鐵每貳兩入蘆薈參錢白

芫參錢細研為末刮癬出血用好醋調傅雖痛却一傅可愈

一方用 蘆薈 大黃 輕粉 雄黃 蛇床子

槿樹皮 槿榔 右先刮破癬用醋調藥末塗之

頑癬用槿樹皮加巴豆斑蝥為細末又加生砒少許

水調傅

治癬積年不瘥者

右用蟹螯壹個去頭翅足以針劄燈焰上燒米醋內淬如此三兩次就燒成存性黑灰研為細末用紅棗壹個湯泡剝去皮核與蟹螯一處同研爛先

以手抓或生布擦動癬然後搽藥不可侵好肉恐有毒

治牛皮癬用清香油壹兩入金錫柴枚巴豆貳拾枚  
盤螯拾枚同熬候色焦者先去之去了入黃蠟壹  
錢候熔收起朝擦暮愈不損皮肉

又方

綠蘿根 不拘多少

花椒 壹兩

信 此少

防風

白芨

百部

白歛 各半兩

江子 拾伍粒

右各為末和綠蘿根搗熟成團將藥於癬上擦之

候痛過洗浴

又方一味綠蘿根去粗皮取細皮貼肉者搗爛用醋  
調塗癬上立愈

治癬用藜蘆細搗為末生油調傳  
治癬神効方

藜蘆根 半兩

輕粉 貳錢半

右為細末凉水調搽癬上

簡要濟衆治癬疥久不瘥羊蹄根搗絞取汁用膩粉  
少許調如膏塗傳患處三五遍即瘥如乾即用豬脂  
調和傳之



取猪皮枝中白汁塗癬甚妙

治癬濕痒用楮葉半斤細切搗傳癬上

經驗方 治五種瘡癬以韭根炒存性旋搗末以猪

脂調傳之二三五度瘡 又方患癬瘡搗山豆根末臘

月猪脂調塗之

半夏散 治一切癬

右以半夏參兩搗為末以陳醬汁調和如糊塗

癬上日兩三度即瘥

東坡先生家藏方

决明子不以多少為細末

右用冰銀輕粉少許與藥末同研為膏散以物擦  
破癬上用藥傳之立瘥

鯽魚膏 治諸癬瘡或乾或濕痒痛不可忍

鯽魚中者壹尾 亂髮如雞子大貳枚 猪脂半斤

雄黃壹兩 硫黃壹兩

右件藥先煎猪脂令沸即下魚煎令烟盡次下髮

令銷濾去粗下雄黃硫黃末攪令勻於甕器中不

拘時候塗之以瘥為度

凌霄花散 治風濕蕪熱生諸癬久不愈

凌霄花 黃連 白礬各貳錢半

癩 女科五

雄黃

天南星

羊蹄根各半兩

右為細末抓破用生薑汁調藥擦之如癬不痒只用清油調藥立効

昨葉荷草散 治一切癬無問風濕氣血與夫相染而生並宜用之

昨葉荷草即瓦上晒乾壹兩

枯白礬壹錢

雄黃半錢

右為細末用羊蹄菜根先蘸醋擦癬上令痒破即用藥末乘濕塗敷不過三四次即愈

是齋治諸癬

貫衆

吳茱萸

官桂各等分

右為細末先用手抓破用藥擦之米醋調敷亦得

砒霜散貳錢半研

硫黃研

蜜陀僧研

膩粉各柒錢半研

右件同研令勻如癬乾即用生油調塗若癬濕即用藥搽之

治癬疥瘡痒不可忍

皂角叁錢煨去皮子

黃連半兩為末

膩粉貳錢半

右將皂角為末用米醋貳大盞同煎如稀錫用綿

癩

小科五

百三十五

瀝法祖入黃連末膩粉調令勻候癬發時惡水出  
 便可先用構樹白皮搔破後塗藥三兩上便愈  
 治疥癬用松膠香研細約人輕粉和勻凡疥癬上  
 先用油塗了錯末一白便乾頑者三兩度  
 治癬瘡取蟾蜍燒灰為末用豬脂和敷之  
 戴院使云瘡如牛皮模樣痒甚不可忍者又疼用黃  
 連木香黃檗皮杉木節貳個明礬少許以上各等分  
 為末用好真香油調塗大効  
**風癬**烏蛇丸 治一切風癬多年不瘥者  
 烏蛇酒浸去骨 白附子炮 附子小便浸壹宿

天麻各貳兩 全蠶炒 羌活  
 乳香 蠶蠶炒各壹兩半 苦參拾兩  
 槐花半斤  
 右為細末用生薑汁壹斤蜜壹斤二味同熬成膏  
 入藥和丸如梧桐子大每服叁肆拾丸空心用温  
 酒送下 夜晚荆芥湯送下  
 白花蛇丸 治風癬瘡皮膚瘙痒久不瘥  
 白花蛇參兩酒浸 苦參去蘆貳兩 麥門冬壹兩半去心  
 黃芩 防風去蘆 白鮮皮  
 甘草炙 枳殼麩炒去穰 梔子仁

風癬 小半五

赤芍藥

川大黃

蒼耳子

羌活

去蘆

黃芪

剉去蘆

白蒺藜

各壹兩

右件為細末煉蜜和搗三五日下丸如梧子大每

服參拾丸食後薄荷酒送下

本事烏頭丸治風癱妙方見紫

宣風換肌散治一切風癱疥瘡疔瘡落風瘡

甘草

黃芪

當歸

黃連

黃芩

各酒浸炒

大力子

防風

白芷

荆芥穗

川芎

烏蛇肉

各半兩

羌活

蒼朮

何首烏

各參錢

全蝎

拾枚炒

右為細末酒調服茶清亦可每服貳錢

雄黃膏治風毒疥癬

雄黃

細研

膩粉

研

白礬

枯

川椒

藜蘆

各貳錢半

附子

半兩炮去皮臍

右為細末入乳鉢內再研如粉用煉了臘月豬脂

半斤黃蠟貳兩淨鐺內慢火煎候蠟銷傾於瓷合

內入雄黃等末攪勻每白四五度取少許敷塗之

硫黃散治風毒癬遍身皆生瘙痒

硫黃

研

雄黃

研

硃砂

細研

麝香

細研

吳茱萸

附子

生用各貳錢半

芭荳

去皮油

川椒

各壹錢

右為細末同研令勻先用新布擦癬令水出便用

醋調塗之不過三兩上即瘥

治風癬及寒熱瘡疥

韭根

收多年者藜蘆

瓜蒂

白礬

雄黃

水銀

胡粉

各貳錢半

右先將雄黃白礬胡粉研極細却入水銀用柳木槌研勻用猪脂壹斤將韭根藜蘆瓜蒂煮數沸去

相放温調前藥涂瘡大有神効

祛風白芷散

見面部

丹參湯

治風癬瘙痒洗浴

丹參

去蘆

蛇床子

各參兩

苦參

伍兩

白礬

貳兩研細

右除白礬外篩為籠散用水參斗煎取貳斗濾去粗入白礬攪令勻乘熱於避風處洗浴用水冷為度拭乾了用藜蘆末粉之相次用之以瘥為度

乾癬

治乾癬痒痛不止

草烏頭

狼毒

各貳錢半

蟹螯

柒介去頭足翅

癬

癬癬

外科五

百五

右件生用為細末用唾津調用竹篦子刮破塗藥  
熱擦入肉候出黃水三兩日即瘡

又方 蟹螯五月五日麝香半錢同研為細末醋調  
塗癬上出少黃水瘡

又方 川烏頭貳枚生用乾蝎伍箇為細末面油調作膏  
塗之

治乾癬積年生痂搔之黃米出每遇陰雨即痒  
巴豆拾粒

右於炭火燒之令油出盡即於乳鉢內用少許酥  
和研如膏薄塗之不過一兩度愈

又方 用狼毒醋磨塗之

又方 蟹螯半兩微炒研細末蜜調薄敷即瘡

羅氏柏脂膏 治乾癬

柏油壹斤 黃蠟半斤 杏仁肆拾伍粒剉碎

朴硝壹抄

右件相和於鐵器內用老生薑葱白參根一順攪  
五七次煎沸濾過成膏於瘡上搽之

一抹散 治乾癬不瘡

天南星 草烏頭各壹枚生用

為細末用羊蹄根搗絞取汁調塗不過三上瘡

癩瘡 卷之五

癩瘡在頸項間後延上至耳成濕癩他治不應以蘆薈壹兩甘草末半兩和勻先用溫漿水洗癩拭乾傳之神妙劉禹錫方各蘆薈膏散

硫黃散 治濕癩痒痛不可忍方

硫黃 半兩

膩粉 貳錢半研

龍腦 壹錢

蟹蝥 半兩

右件藥同研細如粉用面油調如泥痒痛時抓破後用藥擦之立瘥

又方

烏梅 拾肆枚用肉

大蒜 拾肆顆

梁上塵 貳合

右件相和入鹽叁合熟鴉用醎醋壹升浸一宿塗於瘡上即瘥

黃連散 治癩濕痒不可忍方

黃連

黃檗

胡粉 各壹兩研細

雄黃 半兩研細

右為細末同研令勻先用溫漿水洗瘡然後取藥敷之不過四五度即瘥

治濕癩白禿方

右取馬齒莧膏塗之若燒灰敷之亦瘥

孟詵云蕪荑和蜜治濕癩方

治濕癬方

黃連

黃丹

右為細末用豬脂油壹兩夾研冷水銀星盡散磁盒收用

明礬煨各半兩

水銀各貳錢

胡粉

螺殼散 治濕癬痒不可忍

螺殼

亂髮灰

龍腦

胡粉

右為細末研勻以油淀和塗之

荆芥散 治多年濕癬

荆芥穗

不拘多少以瓦罐盛鹽泥固濟只留一塞了竅放冷取麝香壹錢膩粉伍錢

右研勻先以口含鹽漿水抓洗瘡令破帛子搵乾

了以生油調藥傅之

羅祛濕散 治多年濕癬大有神效

蠶沙

薄荷

為細末每用不拘多少乾摻瘡上或用生油調搽

子和 一女子年十五兩股間濕癬長三四寸下至膝

發痒時爬搔湯火俱不解痒定黃赤水流又痛不可

忍灸炳薰漂硫黃蔞茹白僵蠶羊蹄根之藥皆不効



其父母求療於戴人戴人曰能從予言則瘥父母諾  
之以鉞針磨尖快當其痒時於癬止各刺百餘針其  
血出盡煎鹽湯洗之如此四次大病方除此方不盡  
以告後人恐為癬藥所誤濕淫於血不可不從者矣  
**灸法**日中時灸病處影上三炷灸之呪曰癬中蟲毛  
戎戎若欲治待日中又法八月八日日出時令病  
人正向東面戶內長跪平舉兩手持臂兩邊取肩頭  
小垂際骨解宛宛中灸之兩火俱下各三壯若七壯  
十日愈

### 浸淫瘡

浸淫瘡者淺搔之蔓延長不止搔痒者初如疥搔之  
轉生汗相連者是也仲景云從口流向四肢者可治  
四肢流來入口者不可治運氣浸淫皆屬火經云  
歲火太過甚則身熱膚浸淫是也

升麻湯 治心有風熱生浸淫瘡遍體

升麻

大黃剉微炒

黃芩去黑心

枳實麩炒

芍藥各壹兩

當歸切焙

甘草炙各半兩

右剉碎每服伍錢匕水壹盞半燈心壹握煎至壹

蓋去滓空心温服

香瓣瘡方 治面上耳邊生浸淫瘡有黃水出久不愈

殺羊鬚

荆芥

乾棗去核各

右燒灰存性研勻入膩粉半錢同研極細每用少許清油調搽先以温湯淨洗拭乾塗藥三二十次効亦治大人小兒兩吻生瘡

雞冠血塗方 治卒得浸淫瘡不早治則遶身周匝能殺入外臺云浸淫瘡轉廣有汁多起於心右以雄雞冠上刺血傳之日三五度

簡要濟衆方浸淫瘡痛不可忍者發寒熱刺薊末水調傳瘡上乾即易之

又方鯽魚壹尾長參寸者豆豉壹合右杵如膏塗之亦療馬鞍瘡

又方苦瓠壹兩蛇退半兩露蜂房微炙半兩梁上塵 右為末油調塗

又方伏龍肝半錢亂髮燒米錢半右為末豬脂和塗

又方以鷄冠血和黃連末塗 煎鯽魚膏塗 生切鯽魚片和鹽貼 燒胡燕窠水和塗 山妻年五十舊患發頤之處腠理虛疎每食則汗出

成流一日忽成浸淫瘡膿汁所至輒皮破肉腐傳銀粉黃連黃丹枯礬之屬皆不驗用豬膽汁調蘆薈末塗之膿水即乾而瘡

熱汁浸漬成瘡玉粉散

七寶散

並見熱瘡癩子

天泡瘡

天泡瘡即丹毒之類而有泡者由天行少陽相火為病故名天泡為火熱客於皮膚間外不得泄拂熱血液結而成泡如豌豆瘡根赤頭白或頭亦赤隨處而起若自裏達於外發在春夏二焦俱熱則服通聖散若止從頭項兩手起者此上焦熱也則服涼膈散若從身半已下起者則服黃連解毒和四物湯若發於秋冬則宜升麻葛根犀角或加槩苓一二味外傳如馬齒莧吳藍赤小豆苧根之類皆解毒消腫可用於初起之時或蚶殼或龜甲水龍骨各煨存性則收濕

濕生肌可用於浸淫之後

天海痛... 濕生肌... 浸淫... 之後... 天海痛... 濕生肌... 浸淫... 之後... 天海痛... 濕生肌... 浸淫... 之後...

瘰

瘰小瘰世謂之熱瘰是也王註云大如酸棗或如豆色赤而內有膿血也

風濕

海藏云汗出見濕乃生瘰癧瘰為瘡瘰也勞汗當風寒薄為皴皴乃瘰瘰色赤臍內有膿血旋覆花丸

旋覆花

參兩

防風

白芷

甘菊花

南星

半夏

石膏

川芎

陳皮

白附子

各半兩

蝎稍

僵蠶

炒各二錢

瘰

小半兩

百四

右細末薑汁糊丸梧桐子大薑湯下參伍拾丸食後服

黑末子 治癩毒

用羊角連內骨燒存性為末酒調叁錢分上下服之瘡可散

按此方未嘗用服蓋秘方也常治面上或身卒得赤斑或痒或癩毒不治殺入以殺羊角燒存性研令極細末以雞子清調塗之甚効本草亦云然

熱瘡癩子

濕熱

千金云凡熱瘡起便生白膿即今俗名膿窠瘡是也其初起即淺但出黃汁名肥瘡又名黃爛瘡初作亦如肥瘡喜著手足常相對生隨月生死痛癢坼裂春夏秋冬隨瘡劇者名癩瘡治法已見疥門

黃芩 黃連 大黃 各叁錢

蛇床子 寒水石 黃丹 伍分

白礬 壹錢 輕粉 白芷

無名異 各少許 木香 少許 痛者加

右為細末麻油調塗

又方 蕎麥麵壹兩 硫黃捌錢 水銀制鉛壹錢 或油

或豬膽汁調搽

白蒺藜散 治熱毒瘡癩痒心瘋癩

白蒺藜炒去刺 白鮮皮 防風去蘆

川大黃剉炒 赤芍藥 梔子仁

子芩 麥門冬去心焙 玄參

桔梗去蘆 甘艸炙赤剉 前胡去蘆各壹兩

右為細末每服貳錢食後用薄荷湯調服

蜜陀僧散 治熱毒惡瘡臭爛久不生肌

蜜陀僧 雄黃 雌黃

定粉各半 膩粉叁錢

右研為細末先用柳枝壹握生甘草壹兩搥碎以

漿貳升煎六七沸去滓稍熱淋洗瘡淨拭乾傳之

白金散 治風毒攻注遍身及手足生熱瘡疼痛出

黃水

用桂府滑石為細末先用虎杖甘艸豌豆各等分

約半兩許水貳碗煎上項藥至壹碗去滓微熱淋

洗瘡水冷拭乾上搽滑石末令通身便睡至明決

愈

玉粉散 治熱汗浸漬成瘡腫痒焮痛

定粉壹兩 蛤粉各兩半 白石脂

白龍骨各半兩 石膏各半兩 滑石捌兩

寒水石燒通赤放淨地上 粟米粉貳兩

右為細末研勻每用些少乾擦患處

七寶散 治熱汗浸漬成瘡痒痛不正

黃芪 當歸 防風

荆芥穗 地骨皮 木通各貳兩

白礬壹兩

右為麤末每用藥壹兩水參大椀煎五六沸濾去

滓稍熱淋滌患處避風少時

赤石脂散 治痂子磨破成瘡用此止痛生肌

赤石脂細研 黃蘗去粗皮 臘茶末各半兩

白麩貳兩 龍腦半錢

右為細末研勻每用時綿搥撲之

龍腦粉方 治痂瘡痒痛

龍腦壹錢 粟米粉伍兩

右研勻先用棗葉湯洗後用綿搥撲之

玉女英 治痂瘡痒痛

滑石半兩 菘豆粉肆兩

右研勻以綿搵撲之一方有棗葉壹兩

棟花粉傳方 治癩子癢痒

右用苦棟花不拘多少焙乾為末入蚌粉滑石末各少許研勻日頻傳之

治暑月汗漬腋下赤腫及癩瘡

右取臘雪水和蛤粉傳之

戴院使治癩子用香撲粉入朴硝末如常撲使更入少許枯礬末

治熱癩瘡遍身如蠶子用不灰木棗葉為末瘡上搽之即止 又法用茨菰葉陰乾為末傳之 又方用

臘雪以瓶收貯遇生癩時以所化水塗傳 又方用

黃瓜切斷擦癩子上即安 又方用棗葉煎湯浴之

又方用蚌粉肆兩菘豆粉貳兩滑石壹兩為末乾擦之



夫入陽氣外虛則多汗汗出當風風氣搏於肌肉與熱氣并則生瘡癩狀如麻豆甚者漸大搔之則成瘡也

瘡癩

夫人陽氣外虛則多汗汗出當風風氣搏於肌肉與熱氣并則生瘡癩狀如麻豆甚者漸大搔之則成瘡也

麝羊角散 治風熱皮膚生瘡癩痒痛

麝羊角 屑 烏蛇肉 酒浸 川大黃

玄參 去蘆各壹兩 枳殼 去穰炒 白蒺藜

甘草 各半兩 秦艽 去蘆土 防風 去蘆各柒錢半

右件咬咀每服伍錢水壹中盞煎至柒分去粗入牛蒡根汁半合更煎一兩沸温服不拘時候

秦艽湯 治風熱毒氣客於皮膚遍身生瘡癩如麻

豆

秦艽 去蘆 壹兩

防風 去蘆

黃芩

麻黃 去節

甘艸 炙

玄參 去蘆

犀角屑

牛蒡子 炒

枳殼 去穢 炒

川升麻 各柒錢半

右件咳嗽每服伍錢水壹中盞煎至柒分去粗濕

服不拘時候

當歸飲子

治心血凝滯內蘊風熱發見皮膚遍身

瘡疥或痒或痛或膿水浸淫或發赤疹瘡癩

當歸 去蘆

白芍藥

川芎

生地黃

白蒺藜

防風 去蘆

荆芥穗 各壹兩

何首烏 去蘆

黃芪 去蘆

甘草 炙 各半兩

右咳嗽每服肆錢水壹盞半薑伍片煎至捌分去

粗濕服不拘時

烏蛇散 治風熱遍身生瘡癩痒

烏蛇肉 酒浸 貳兩

羌活 去蘆

白鮮皮

桂心

甘草 炙

枳殼 去穢 炒

蒲黃 炒

蔓荊子

芎藭

天麻 百五

當歸 去蘆各半兩

天麻

麻黃 去節

秦艽 去蘆

牛蒡子 炒

藁本 去蘆

白殭蠶 炒各半錢半

右為細末每服貳錢温酒調下不拘時

荆芥散 治風熱皮膚瘙痒生瘡瀰

荆芥

赤茯苓 去皮

苦參 去蘆各壹兩

蔓荆子

天麻

人參 去蘆

防風

獨活 各去蘆

枳殼 麸炒各半兩

牛蒡子 炒

黄芩 各半錢半

烏蛇肉 酒浸

右為細末每服同前法

防風散 治風痞癰

防風 去蘆

杏仁 麩炒另研為泥

白殭蠶 炒各貳兩

甘草 炙壹兩

右為細末每服叁錢空心蜜水調下或温酒調服

亦得日進二服

牛膝散 治風痞癰

右用牛膝酒浸搗為末每服貳錢食前温酒調下

兼治骨疽風癩皆効

疾藜丸 治風瘙痒生瘡瀰

白蒺藜

秦艽 去蘆

赤茯苓 去皮各壹兩

辛酉調

小計五

羌活

細辛 去苗各半兩

枳殼 煮錢半去穢炒

烏蛇肉 參兩酒浸

右為細末煉蜜和丸如梧桐子大每服參拾丸温蜜湯送下不拘時候

黑龍丸 治風毒上攻頭面多生瘡癩

羌活 去蘆

薄荷葉

蔓荆子

細松烟墨

獨活 去蘆各壹兩

川芎

甘艸炙

白附子 炮

山梔子

白芷

防風 去蘆

荆芥穗

天南星 薑製

草烏頭 生

白殭蠶 炒

川烏頭 炮去皮膚各半兩

右為細末煉蜜和丸每壹兩作拾丸每服壹丸細嚼茶湯或温酒送下食後服

莽草膏 治風瘙痒皮膚生瘡癩體腫疼痛

莽草 壹兩

當歸 去蘆

芩藜

大戟 去皮

川椒

附子

細辛 去苗

赤芍藥

芫花

躑躅花

蒴藿 各貳兩

右細剉用醋參升浸壹宿用豬脂參斤同煎令附子色黃為度綿濾去粗每塗摩病處日三五上

治風瘙癢皮膚生瘡癩搔之成瘡宜用此粉身即瘥

芎藭

麻黃根剉

白芷

各參兩

雷丸

伍兩

藿香

貳兩

藜蘆

壹兩半

右為細末入英粉伍兩相和令勻逐日粉身上

治風熱皮膚瘙癢搔之生瘡癩粉身

麻黃根

伍兩

蛇床子

肆兩

白蒺藜

白礬

各貳兩

白米粉

貳升

右為細末用踈生絹袋盛痒即粉身

治風瘙癢皮膚生瘡癩搔之腫痒柳枝湯洗之

嫩柳枝

桃枝

葫蘆

苦參

各伍兩

槐白皮

肆兩

茵陳

狼毒

青箱葉

麻黃

各參兩

右細剉和勻每取壹斤用水伍斗煮取肆斗去粗

更入鹽及朴硝各貳兩攪勻看冷熱於溫室中洗

浴浴罷衣覆出汗瘥切慎外風

治風熱皮膚生瘡癩苦痒成疥丹參湯洗之

丹參

苦參

各肆兩

蛇床子

生用參兩

右件藥用水壹斗伍升煎至柒升去粗乘熱洗之

治皮膚風熱生瘡瘡癩或痒痛宜用垂柳湯洗之

垂楊柳

壹斤

杏仁

參兩

白礬

生用貳兩

右件用水壹斗伍升煎去柒升去粗於無風處洗  
浴極妙

結核

獨形而小核者為結核

河間云結核火氣熱甚則鬱結堅硬如果中核也不  
須潰發但熱氣散則自消丹溪云結核或在項在  
頸在臂在身皮裏膜外不紅不痛不硬不作痛多見  
痰注作核不散問其平日好食何物吐下後用藥散  
核結核在頸項方僵蠶大黃酒浸青黛膽星各等  
分為末蜜丸噙化結核在下頰二陳湯加酒炒大  
黃連翹桔梗柴胡結核在臂二陳湯加連翹防風  
川芎酒芍蒼朮皂角刺僵蠶麝香行太陰厥陰之積  
痰使結核自消甚捷風核以去風消核散常服消

結核

小斗五

百五

之 風熱結核以大連翹飲加殭蠶牛蒡子 凡一切風核疼痛宜以大蕎麥根及金線釣葫蘆根磨半泔半醋煖塗之

儒者楊澤之缺盆間結一核余謂此肝火血燥而筋攣法當滋腎水生肝血彼反用行氣化痰外敷南星商陸益火如碗余用補中益氣湯六味地黄丸以滋腎水間用蘆薈丸以清肝火年餘元氣復而消 一男子頸間結核大潰一婦人左眉及髮際結核並用梔子清肝散海藻散堅丸以清肝火養肝血益元氣而愈此症亦有火如升斗者亦治以前藥可愈 一

婦年二十耳下結核經每過期午後頭痛服頭痛藥愈甚治以八珍湯加柴胡地骨皮二十餘貼愈 一婦因怒結核腫痛察其氣血俱實先以神効散下之更以益氣養榮湯三十餘劑而消 常治此症虛者先用益氣養榮湯待其氣血完充乃取神効散去其毒仍進前藥無不効者 一兒七歲項結一核時發寒熱日久不愈治以連翹丸而消若患在面臂等處尤宜此丸若潰而不斂兼以托裏之藥 一兒項結一核堅硬如癰面色痿黃飲食不甘服托裏藥不應此無辜疔毒也以蟾蜍丸治之而愈若數服不消按

之轉動軟而不痛者內有蟲如粉急針出之若不速

去則蟲隨氣走內蝕藏府不治蟾蜍夏月滯滯中腹大不跳不鳴者先取

糞蛆一杓置桶中以尿浸之桶近上令乾使蛆不得

出將蟾蜍撲死投蛆中任蛆食晝夜次以新布袋包

繫置水急處晨一宿取出无上焙為末入麝香一字

軟飲丸如麻子大每服二三十丸空心米飲送下

一婦因怒不思食發熱倦怠骨肉痠疼體瘦面黃

經漸不通頸間結核以逍遙散八珍湯治之少可彼

自誤服水蛭等藥血氣愈虛遂致不救

海藻連翹湯 治諸般結核癭癧馬刀瘰癧痰核

白茯苓

陳皮 去白

連翹

半夏 薑製

黃芩 酒拌

黃連 酒炒

南星 薑製

牛蒡子 炒

柴胡

三稜 酒炒

莪茂 酒炒

殭蠶 炒去絲

昆布

海藻

羌活

防風

桔梗

夏枯草

川芎

升麻

右生薑薄荷煎食後服

連翹丸

連翹

防風 去蘆

黃檗

肉桂 去麋皮

桑白皮

香豉

獨活

秦艽

牡丹皮 各半兩



海藻 貳錢半

右為末煉蜜丸如棗豆大每服拾丸燈心湯下  
五香散 治肉中忽有惡核生腫硬不消惡肉惡脉  
瘰癧風毒腫氣

木香

鷄舌香

沉香 各壹兩

麝香

細研貳錢半

射干

薰陸香

乾葛

坐

川升麻

獨活

桑寄生

連翹

甘草 生各貳兩

川大黃

參兩剉碎微炒

右剉碎入麝香研勻每服參錢水壹中盞煎三五

分去滓入竹瀝半盞更煎一二沸溫服日三

連翹散 治頂上惡核炊腫

連翹

射干

獨活

川升麻

木香

沉香

木通

剉各壹兩

桑寄生

丁香 各半兩

川大黃

貳兩剉碎微炒

右為細末每服貳錢清粥飲調下日三服

獨活散 治惡核風結腫毒四肢煩熱拘急

獨活

木香

射干

桑寄生

連翹

升麻

沉香

川大黃 生用

甘草 生各壹兩

右剉碎每服肆錢水壹中盞煎至陸分去滓入竹瀝半合更煎一二沸放溫服日三得快利為度清肝益榮湯 治肝膽小腸經風熱血燥筋攣結核或耳項胸乳脇肋作痛或作疾子并一切肝火之症

山梔

當歸

木瓜 不犯

茯苓 各壹錢

柴胡

川芎

芍藥 炒各柒分

熟地黃 壹錢半

白朮 貳錢

龍膽草 捌分

炙甘艸 伍分 右薑水煎服

瘦瘤

靈樞云虛邪之入於身也深寒與熱相搏又留而肉着寒勝其熱則骨疼肉粘熱勝其寒則爛肉腐肌為膿內傷骨內傷骨為骨蝕有所疾前筋 疾前二字衍文也筋當作 筋屈不得伸邪氣居其間而不及發為筋瘤有所結氣歸之衛氣留之不得反津液又留合為腸瘤又者數歲乃成以手按之柔已有所結氣歸之津液留之邪氣中之凝結日以易甚連以聚居為昔瘤以手按之堅有所結深中骨氣因於骨骨與氣并日以益大則為骨疽有所結中於肉宗氣居之邪留而不去

有熱則化而為膿無熱則為肉疽凡此數氣者其發無常處而有常名也刺節真邪篇○此皆虛邪中人月而成三因云癭多着於肩項癭則隨氣凝結此等皆年數深遠浸大浸長堅硬不可移者名曰石癭皮色不變者名曰肉癭筋脉露結者名曰筋癭赤脉交結者名曰血癭隨憂愁消長者名曰氣癭五癭皆不可妄決破決破則膿血崩潰多致天柱癭則有穴骨瘤脂瘤氣瘤肉瘤膿瘤血瘤亦不可決潰肉瘤尤不可治治則殺入唯脂瘤破而去其脂粉則愈丹溪云服癭瘤藥先須斷厚味

海藻丸 治癭瘤通用

海藻 洗晒 川芎

官桂 白芷

藿香 白欵

明礬 煨各壹兩 海蛤 煨

為細末煉蜜丸如彈子大每服壹丸食後含嚥下

守癭丸 治癭瘤結硬

通草 貳兩 杏仁 去皮尖研

昆布 洗 射干

海藻 洗各肆兩 訶梨勒

牛蒡子 各壹合

右為細末煉蜜和丸如彈子大每服壹丸食後嚼  
化日三

海藻酒方 治頸下卒結核漸大欲成癭瘤

右用海藻洗去鹹壹斤酒貳升漬一宿取壹貳合  
飲之酒盡將海藻曝乾搗末酒調壹錢七日三節  
瘡如浸用絹袋盛了浸春夏二日秋冬三日

白頭翁丸 治氣瘦氣瘤

白頭翁 半兩 昆布 拾分洗

通草

海藻 洗各

連翹

玄參 各捌分

桂心 叁分

白欵 陸分

右為細末煉蜜和丸如梧桐子大每服伍丸用酒  
送下忌蒜麵生葱豬魚

海藻散堅丸 治肝經癭瘤

海藻 昆布 各貳兩

小麥 肆兩醋  
煮炒乾

龍膽草 貳兩

右為末煉蜜丸桐子大每服貳叁拾丸臨卧白湯  
送下并嚼化嚥之

癭

五癭在頸項間皮寬不急累累而垂者是也宜破結  
散消癭丸海藻丸昆布丸黃藥酒藻藥散兼以針灸  
法同施方有效及常服復元通氣散蠟礬丸自然縮

癭者

小斗五

百六

小

木通散 治頸下卒生結囊欲成瘦

木通

松蘿

桂心

蛤蚧

酥炙

白斂

琥珀

海藻

洗

昆布

洗各壹兩

右為細末每服貳錢不拘時溫酒調下

五癭丸

菖蒲

貳兩

海蛤

白斂

續斷

海藻

松蘿

桂心

倒掛草

蜀椒

半夏

各壹兩

神麴

參兩

羊麝

百枚

右為細末以半羊脂髓為丸如芡實大每服壹丸食後臨卧嚼化服

昆布丸

檳榔

昆布

海藻

各貳兩

右為末煉蜜丸彈子大每用壹丸含嚙化下

藻藥散

治氣癭

海藻

酒洗壹兩

黃藥子

貳兩萬州者佳

右為末置掌中以舌時時舐以津嚙下消二分之二

二止藥先須斷厚味戒酒色

按本草黃藥子主諸惡腫瘡癭斗門方以

癭瘤

小

三

浸酒療項下瘦氣醫學綱目及丹溪誤作黃檗  
蓋檗藥字相近又誤檗為連則其失愈遠矣

二海丸 治氣瘦

海藻

昆布 各酒洗晒乾

右等分為末煉蜜丸杏核大稍稍燕汁又用海藻

洗淨切碎油醋熟作常菜食之

消瘦散 治瘦氣

海藻 酒洗

海帶 酒洗

昆布 酒洗

海馬 酒炙

海紅蛤

石燕 各煨

海螵蛸 各壹兩

右為末清茶下兼服含化丸兼灸相濟以收全功

含化丸 治瘦氣

海藻

海蛤煨

海帶

昆布

瓦龍子 煨

文蛤 即花蛤背有文

訶子 去核

五靈脂 各壹兩

豬臙 拾肆个焙乾另研

右為末煉蜜丸臨臥含化時時嚥下 兼灸法以

助丸功

通氣丸 治瘦氣

海藻

海帶

昆布

夏枯艸

木通 各壹兩

訶子

薄荷 各伍錢

杏仁 少許

右為末煉蜜丸如芡實大每用壹丸噙化 兼灸  
以泄瘰氣方効

黃藥酒 治忽生癭疾及一二年者

右用萬州黃藥子叁斤須緊重者為上如輕虛即  
是他州者力慢須加一倍以無灰酒壹斗投藥在  
內固濟瓶口以糠火燒一伏時停待酒冷即令患  
者時時飲壹盞勿令絕酒氣經三五日常把鏡自  
照覺消則停飲不爾令人項細也用火時不可多  
惟燒酒氣香出瓶頭有津即止火不待經宿也已  
驗如神忌毒食

昆布散 治瘰氣去風火鬱滯散痰氣壅結

防風 荆芥 黃連酒炒

昆布 海藻 海粉

羌活 升麻 連翹

青皮 膽星 貝母

牛蒡子炒 夏枯草 沉香

香附子 撫芎 黃芩酒炒

右薄荷煎服或末或丸俱可痰多加南星半夏  
又宜灸天突穴為妙

三因破結散

海藻洗

草龍膽

海蛤

通草

昆布

礬石枯

松蘿各參分

麥麩肆分

半夏

貝母各貳分

右為末酒服方寸七日三忌鯽魚豬肉五辛生菜

諸雜毒物十日知二十日愈

主壺散 治二種瘰

海藻洗

海藻洗

昆布

雷丸各壹兩

青鹽

廣茂各半兩

右等分為細末陳米飲丸如榛子大噉化以煉蜜

丸亦好

子和人參化瘰丹

海藻洗

海藻洗

海蛤

昆布已上四味皆焙

澤瀉炒

連翹已上各等分

豬靨

羊靨各拾枚豬羊靨即豬羊外腎乃囊中之卵也

右為末蜜丸如芡實大臨卧噉化壹貳丸忌油膩

物

羅氏寶金散

偏醫瘰氣無不瘥

豬羊靨

拾對煖水洗去脂膜後晒乾杵為細末

海藻洗

海藻各貳兩洗

丁香

木香

要留

小斗五

夏公



琥珀 研

麝香 研各貳錢半

真珠 研半兩

右件先將丁香木香海藻海帶柞為細末入下項藥末合和再研細重羅過每服壹錢熱酒壹盞調服夜卧服垂頭而睡若在室男女十服必効如男子婦人患者一月見効有胎不可服

海帶丸 治瘰氣久不消

海藻 洗

貝母

青皮

陳皮 各等分

針砂方 治氣瘰  
右件為細末煉蜜為丸彈子大食後噙化壹丸効

右用針砂浸於水缸中平日飲食皆用此水十日一換針砂服之半年自然消散

昆布散 治瘰氣結腫胸膈不利宜服

昆布 洗

海藻 洗

松蘿

半夏 湯泡

細辛

海蛤 細研

白欝

甘草 炙各壹兩

龍膽艸

土瓜根

檳榔 各貳兩

右為細末每服貳錢食後温酒調下

治瘰氣膈壅塞頸項漸羸宜服此方

商陸

昆布 洗各貳兩

射干

羚羊角 鈔

木通

海藻 洗

杏仁

湯浸去皮尖炒黃各壹兩

牛蒡子

壹兩半 微炒

右咬咀每服參錢水壹中盞入生薑半分煎至陸分去滓不拘時溫服

治瘰氣神驗方

琥珀

桔梗

烏鰂魚骨

昆布

洗各壹兩

赤小豆

酒煮熟焙

小麥

湯洗各叁分

右為細末煉蜜丸如小彈大綿裹壹丸常嚙嚙津

神効開結散

治瘰疾不問年歲極驗

沉香

木香

橘紅

肆兩

豬鬃子

生於豚項上

珍珠

肆拾玖粒

封口煨過絲壹枚如棗失取肆拾玖

右為末每服壹錢臨卧冷酒調搽徐徐下輕者

三五服重者一料全愈修合用除日忌鹹酸油

膩瀝氣等物

六癰

者隨氣凝結皮膚之中忽然腫起狀如梅李皮

軟而光漸如杯卵若發腫都軟不痛者血癰發腫日

漸增長而不太熱時時牽痛者氣癰氣結微腫久而

不消後亦成膿諸癰癰疔贅等至年衰皆自內潰治

於壯年可無後憂按之推移得動者可用取法去之

如推之不動者不可取也。瘤無大小不量可否而妄取之必妨人命。俗云瘤者留也不可輕去不為無理。治法先以鐵罐膏點瘤頂上令肉黑腐不痛方可。以乃剪去黑腐又以藥塗令肉腐潰又可剪之又塗。又剪瘤根去盡為度。若怕針刀者却以井金散塗之令肉黑極十分腐爛方可用刀剪之。刮之若稍有些肉不黑盡恐肉未死血亦未死血未死則不可剪刮恐血來多致有昏暈之失。其肉十分黑極十分腐爛推得動者此肌肉死也。肌死則血死其血死乃可剪刮無妨。雖血瘤肉瘤取之亦無妨也。小瘤取

之自愈。大瘤取之有平載肌肉麻痺也。宜服養氣血藥。父之自愈。薛內經云肝統筋而藏血心裏血而主脈脾主肉而統血肺主氣而司腠理腎統骨而主水。若怒動肝火血涸而筋攣者其自筋腫起按之如筋久而或有血縷名曰筋瘤用六味地黄丸四物山梔木瓜之類若勞役火動陰血沸騰外邪所搏而為腫者其自肌肉腫起久而有赤縷或皮俱赤名曰血瘤用四物茯苓遠志之類若鬱結傷脾肌肉消薄外邪所搏而為腫者其自肌肉腫起按之實軟名曰肉瘤用歸脾益氣一湯若勞傷肺氣腠理不密外邪所

搏而壅腫者其自皮膚腫起按之浮軟名曰氣瘤用  
補中益氣之類若勞傷腎水不能榮骨而為腫者其  
自骨腫起按之堅硬名曰骨瘤用地黃丸及補中益  
氣湯主之夫瘤者留也隨氣凝滯皆因臟腑受傷氣  
血乖違當求其屬而治其本大凡屬肝膽二經結核  
八珍加山梔膽草以養氣血清肝火六味丸以養肺  
金匱腎水若屬肝火血燥須生血涼血用四物二地  
丹皮酒炒黑膽草山梔中氣虛者補中益氣煎服若  
治失其法脾胃虧損管氣虛弱不能濡於患處或寒  
氣凝於瘡口榮氣不能滋養於患處以致久不生肌

而成漏者悉調補脾胃則氣血壯而肌肉自生矣若  
不慎飲食起居及六淫七情或用寒涼蝕藥蛛絲纏  
芫花線等法以治其外則誤矣長洲庠王天爵辛  
丑春左腿近環跳患之狀如大桃按之濡軟恪服除  
濕流氣化痰之劑惡寒發熱食少體倦形氣俱虛脉  
洪大而虛氣瘤也肺主之蓋膽屬木肺屬金然發於  
膽經部分乃肺金侮肝木元氣虧損而其膿已內潰  
矣遂用十全大補湯數劑出清白稀膿甚多頓加寒  
熱煩渴頭痛殊類傷寒狀余謂此因膿泄而血氣益  
虛耳仍用前湯其勢益甚脉洪數大按之如無乃加

附子壹錢其勢愈甚而脉復如前此虛甚而藥未能  
及也更加附子貳錢三劑諸症頓退乃朝用補中益  
氣湯夕用十全大補湯各三十餘劑出腐骨五塊瘡  
口將完後因不慎起居患處復潰諸症更發咽間如  
焚口舌無皮用十全大補加附子壹錢服之諸症悉  
愈二日不服肉病悉至患處復潰二年後又患服前  
藥不應診其尺脉微細如絲此屬命門火衰用八味  
丸為主佐以十全大補湯稍愈至乙巳仍患虛寒之  
症而歿一男子左腿外側近髻腫一塊上有赤縷  
三牽矣飲食起居如常觸破涌出血膿發熱惡寒此

膽經受證故發於腿外側診其脉左尺洪數右關弦  
洪此腎水不能生肝木用補中益氣湯六味地黄丸  
而痊一男子小腹患之膿水淋漓此足三陰之症  
用補中益氣加麥門五味以培脾土用六味地黄丸  
以生腎水更用薤薈丸以清肝火而斂一老儒眉  
間患之二年其狀如紫桃下墜蓋自按之如水囊此  
肝脾之症膿瘀內潰而然耳遂刺出血膿自開以  
炒黑膽草山梔芎歸芍藥柴胡白朮茯苓之類而愈  
嘉善周上舍兩耳下項間筋攣腫堅硬咳嗽氣  
喘內熱盜汗所服皆化痰散堅行氣之劑勢益甚予

診之左關弦澁左尺洪數此怒氣傷肝房勞損腎須  
滋腎水生肝血慎調攝至水旺之際庶可愈矣彼欲  
速効乃外敷商陸石灰等藥內服海藻蓬朮之類至  
秋金旺之際元氣愈虛其腫愈甚而歿 鎮注孫上  
舍缺盆間腫如覆甌堅硬色赤內熱晡熱自汗盜汗  
就治於余曰賤疾皆以散堅行氣降火破血之劑欲  
其內消而反甚其脉左尺洪數按之而弱左關洪數  
按之而澁此怒氣傷肝血涸而筋攣也因其急於仕  
進予鏗不能治彼亦不信後果歿此症若補脾肺滋  
肝腎則未得水而敷華筋得血而滋潤多有得生者

張子和治新寨一婦人年四十餘有瘤三辨戴人  
令以鹹吐之三涌三汗三下瘦已消半次服化瘦之  
藥遂大消去夫病在上者皆宜吐亦自有消息之法  
耳 又在西華眾人皆訕以為吐瀉而已一日魏壽  
之與戴人入肆中見一夫病一瘤正當目上綱肉皆  
色如灰李下垂覆目睛不能視物戴人謂壽之曰吾  
不待食熟立取此瘤魏未之信也戴人曰吾與爾取  
此瘤何如其人曰人皆不敢割戴人曰吾非用刀割  
別有一術其人從之乃引入一小室中令脫卧一床  
以繩束其肘刺委中大出血先令以手揉其目瘤上

亦刺出雀糞立平出戶壽之大驚戴人曰人之有技  
可盡窺乎 郃城戴人之鄉也一女子未嫁年十八  
兩手背皆有瘤一類雞距一類羊角腕不能釧向明  
望之如挑膠然夫家欲棄之戴人見之曰在手背者  
為膠瘤在面者為粉瘤此膠瘤也以銚鍼十字刺破  
按出黃膠膿三二匙立平瘤核更不再作婚事復成  
非素明者不敢用此法耳

清上消鬱湯 治痰火氣血鬱結作核成瘤脉弦而  
滑在上部者

昆布洗

玄明粉

陳皮

半夏薑製

黃連

海藻

莪朮

川芎

香附

青黛

白芥子

右薄荷煎服

解下除濕湯

治濕熱鬱結血氣凝滯作核成瘤在

下部者

海藻洗

黃礬

三稜

香附

青皮

梔子炒

連翹

檳榔

木通

右薄荷煎服

南星散 治皮膚頸項面上瘤大者如拳小者如栗

或軟或硬不痒不痛宜用此藥切不可輒用針灸多致不救

生南星 大者壹枚

右細研爛入好醋伍柴點杵如膏先以細針刺患

處令氣透却以膏藥攤貼覺痒則頻換貼取效

枯溜膏 治六瘤瘰癧痔漏 如無此膏以鐵罐膏代之更捷

草烏 肆兩 川烏 貳兩 乾桑耳

桑朽木 各壹兩半 礪石灰 桑柴灰

蕎麥稽灰 各壹碗

右將草烏川烏桑耳桑朽木共燒成灰和礪石灰

桑柴灰蕎麥稽灰一處裝入酒漏內以棕塞其漏竅用水二斗煎滾淋汁慢火熬濃以十碗取一碗為度以厚實磁器收貯密封固如用入礪石灰調勻為糊點瘤頂上以濕紙數重貼藥上如若未乾不須貼若留以藥乾以唾調塗直待十分黑腐以刀剪刮取之腐肉未盡又點又刮如怕剪刮者却用井金散點之以漸腐爛自去不用針刀後却以膏藥貼之去盡腐肉為度

井金散 治六瘤瘰癧大有神效

土黃 叁錢 礪砂 生晒乾 雄黃 各貳錢



輕粉

朱砂

乳香

沒藥

麝香

片腦

各壹錢

各少許

爲末以唾調爲稀糊塗痛頂上唾濕紙兩重蓋之  
後用黃龍膏貼紙上間日一度上藥次添藥徹的  
周迴大如韭葉如此上之無復漸漸折之後根搖  
自然有裂豐隨後自下來若腐肉未去盡者揆針  
頭散於瘡口腐肉上貼膏藥一日一換直待腐肉  
去盡爲度

造土黃法

信石

生貳兩

礶砂

生貳錢

木鱉子肉

巴豆肉

各五錢

右以信礶研末以木鱉巴豆搗成膏入石腦油和  
作一塊油紙數重包裹埋於土坑內四十九日取  
出磁器收貯聽用如無石腦油亦可

黃龍膏

涼肌退腫

黃蘗

黃芩

大黃

右末蜜水調爲糊餅貼紙上

又枯痛方

砒

礶砂

黃丹

雄黃

輕粉

硃砂

各壹錢

乳香

沒藥各

錢

蟹螯

生用

參拾箇

右研為末糯米粥為丸捏作棋子樣燥乾先灸破  
瘡頂三炷以藥餅蓋上用黃檗末以水調貼之數  
日自然枯乾落下

一方以銅綠為末草刺瘡破摻上以膏藥塗之

世點瘡贅方神驗

桑柴灰

棗樹灰

黃荆灰

桐殼灰

各貳升半

右以沸湯淋汁五碗許澄清入蟹螯肆拾箇穿山  
甲伍片乳香腦子不拘多少約伍碗煎作貳碗用

磁器盛之乳香腦子候冷入之後臨用時入新石  
灰調成膏神妙傳瘡上乾以清水潤之其效如神

龍骨散 生肌肉

訶子肉

龍骨 生

細茶 各等

右末乾揅

蘇藥

南星

半夏

川烏

川椒

石灰

草烏

各等分

右六味各生為末醋調塗瘡上用藥則不痛

止血藥

京墨煨

百草霜各等

右為末揆之即以手按住

桃紅散止血大効

石灰拾兩

麻油

大黃伍錢水浸透取汁各

半

右將石灰炒紅入麻油大黃汁和勻慢火炒如桃

花色磁器收貯聽用

製

垣諸瘰惡氣

肩顛

男左灸拾捌壯右拾柒壯女右灸拾捌壯左拾柒壯

又法

天府拾柒

衝陽隨年

甲癭天窓

一作天窓一作天府

及臍會主之

瘰癧氣舍主

之

本事治果報面生贅瘤方用艾丸灸拾壯即用醋磨

硫黃塗紙上剪如螺螄掩子大貼所灸處更用膏藥

重貼二十日一換候痒擠出膿如菜豆粉即愈硫黃羅

謙甫作雄黃

*[Faint bleed-through text from the reverse side of the page]*

眈眈音休俗呼雞眼子是也

手太陽之别名曰支正上腕五寸虚则生眈小者指  
痂疥取之所别也肘后方手足生眈目鹽傳之舌  
舐之只三次瘥初虞世方用雞胃中食指眈上指  
餘者以石壓之驗鬼饅頭尖上搗破有白汁出頻  
拭之佳

眈眈屬肝膽少陽經風熱血燥或怒動肝火或肝客  
淫氣所致盖肝熱水涸腎氣不榮故精亡而筋攣也  
宜以地黄丸滋腎水以生肝血為善若用蛛絲纏螳  
螂蝕著艾灸必多致誤大抵此症與血燥結核相同

故外用腐蝕等法內服燥血消毒則精血愈虛肝筋  
受傷瘡口翻突開張卒成敗症 府庠朱宏仁年二  
十右手背近中指患五朮中一大者如黃豆餘皆如  
聚黍拔之如絲長三四寸許此血燥筋縮用清肝益  
榮湯五十餘劑而愈 府庠沈姬文幼齧指甲及長  
不能自禁余曰此肝火血燥也又頸側常生小朮子  
屢散屢發又臂生一塊如菉豆大若觸碎如斷束縷  
扯之則長縱之則縮後兩髮發白點求治余曰子素  
肝病此部亦屬肝膽經也夫爪為筋之餘膽行人身  
之側正與齒爪生朮等症相應須滋補腎水以生肝

膽則諸病自愈矣乃與六味地黄丸服之二年白點  
自退朮亦不生 一男子臉患朮初如赤椹雜用敷  
貼之藥翻張如菌又用腐蝕熨大如瘤此足三陰經  
虛症悉具治以補脾肺生肝腎等劑而尋愈 一男  
子小腹中一塊不時攻痛或用行氣化痰等藥不應  
尤以為血鼈服行氣逐血之劑後手背結一朮子漸  
長寸許形如鼈狀肢節間如豆大者甚多彼泥鼈生  
子發於外亦用行血虛證悉至左尺洪數關脈洪數  
弦余以為腎水不能生肝木以致肝火血燥而筋攣  
用六味地黄丸生腎水滋肝血三月餘諸證悉愈

一男子因勞役過度面色青黑發熱咳嗽面生疔子  
腹內一塊攻上攻下作痛口乾小便祕澀服消尅之  
藥愈甚察其脉左右關俱弦洪元氣弱甚此肝脾受  
病而筋攣也投以加味道遙散合地黃丸料元氣遂  
復若誤以爲血鼈之類消之必致不起 一男子素  
膏粱醇酒先便血便結驚悸少寐後肛門周生小顆  
如疔子如鼠乳大小不一用清熱消毒等藥半載之  
間腿內股亦然又用化痰之藥寒熱吐痰頸間俱作  
肝腎脉浮數按之而弱余以爲是三陰經血虛火熾  
法當滋化源彼不信別服四物黃檗知母之類諸症

蜂起此胃氣復傷各經俱病也先用補中益氣湯三  
十餘劑諸症漸愈乃朝用前湯夕用八珍湯又各五  
十餘劑諸症尋愈於是夕改用六味丸加五味子又  
半載諸症悉愈 一婦人左手背并次指患五六枚  
如熟椹肉熱晡熱月經素不及期余曰此因肝脾血  
虛而有熱也當調補一經使陰血生而諸症自愈不  
信乃用艾灸手腫脹發熱手指皆攣兩脇項及胸乳  
間皆患疔經行無期余用加味道遙散少加炒黑黃  
連數劑漸愈乃去黃連更佐以歸脾湯其患漸愈又  
百餘劑經行如期再用地黃丸三料而痊 一婦人

小腹內一塊或時上攻或時下墜寒熱胸痞小便淋  
瀉或用行氣化痰等劑前證愈甚月經兩月餘而一  
行或以為內有肉贅啖飲其血而經不行服驅逐之  
劑下血甚多兩手背結一朮如大豆許兩月漸長寸  
許又兩月餘又患數枚疑以贅子行於外仍行驅逐  
兩耳下各患腫又疑為瘡毒余曰此屬肝火血燥也  
用加味逍遙加味歸脾二藥兼服佐以六味丸三月  
餘而愈 一婦人患之用蛛絲纏花線螳螂啖毒  
藥蝕着艾灸大潰腫痛發熱出血余曰此陰血虛也  
不信仍服降火之藥而歿

痔

世取痔餅藥

糯米 百粒

石灰 拇指大

巴豆 參粒去殼研

右為末入磁瓶同窰三百每以竹簽挑粟許點上  
自然蝕落

潔取麝

風化石灰 壹兩 花碱 半兩

右為細末上三次如天色冷濕用

衍石灰水調壹盞如稠粥揀好糯米全者半置灰中  
半置灰外經宿灰中米色變如水精若人手面上有

痔

小疔五

頁廿

黑靨子及紋刺者微微以針頭揆動置藥少許於其上經半日許靨汗自出剔去藥不用且不得着水二三日愈又方用冰蛭一條雞子一枚開雞子小頭內冰蛭以皮兒蓋合封之直至冰蛭食盡雞清乾盡自死乃用之

手足皴裂

夫秋冬風寒燥烈人手足爲之皴瘃者血少肌膚虛故易傷也外潤以膏澤內服益氣和血之藥可也

東垣潤肌膏治手足皴澁皮膚裂開疼痛不能見風

珠子瀝青

肆兩

白黃蠟

捌錢

乳香

貳錢

右三味於鐵器內用文武火熬下瀝青在罐內隨手便下黃蠟乳香次入清芝麻油一二匙候瀝青盡溶開微微熬動放大淨水一盆於其傍以攪藥用匙取一二滴滴於水中試之如硬再入油如軟硬合宜用新綿濾淨入水中折疊扯之以白爲度



油當旋旋入勿令軟了以甕器內盛之或油紙裹亦得每用不拘多少先於火上炙裂子口却捻合裂子藥亦火上炙軟塗於裂子上用紙少許貼之自然合矣

東垣老人路次方城北獨樹店之客舍有推小車者皮膚皴裂甚痛兩手不能執轆足不能履地而車上宿制此藥傳之即効明日遂行自後屢用屢効故錄於此

初虞世治手足皴裂春夏不愈者

生薑汁

紅糟

白鹽

豬膏

臘月者佳

右研爛炒熟擦入皴內一時雖痛少頃硬皮軟皴合再用即安

丹手足寒皴裂合椒三四合煮浸半食頃須更再浸又傳以羊豬髓腦甚妙梅師方

世治脚跟皴裂用頭髮一大握桐油一盞於瓦器內熬候油沸頭髮溶爛出火攤冷以瓦器收貯不令灰入每用百沸湯泡洗皴裂令軟傳其上即安一方加水粉

山脚裂爛蒸藕研成膏傳之

世用五倍子為末同牛骨髓填縫內即好  
又治脚指縫爛瘡搗鵝時取鵝掌黃皮焙乾燒存性  
為末濕則摻之 一方用生桐油塗之妙

黃蠟膏 治冬月手足皸裂

右用清油半兩盞內慢火煎沸入黃蠟一塊同煎  
熔入光粉五倍子末少許熬令稠紫色為度先以  
熱湯洗火上烘乾即用藥傳以紙貼之其痛立止  
入水亦不落若合藥入粉多則硬而成塊旋以火  
炙動挑傳不妨 一方無五倍子

凍瘡

子和經曰寒瘡流水俗呼為凍瘡或經年不愈者用  
野中淨土晒乾以大蒜研如泥捏作餅子如大觀錢  
厚薄量瘡口大小貼之以艾火加於餅上灸之不計  
壯數以泥乾為度去乾餅子再換濕餅子灸不問多  
少直至瘡痂覺痛痒是瘡可治也然後口含漿水洗  
漬用雞翎二十莖縛作刷子於瘡上刷洗淨以此洗  
刷不致肌肉損傷也以軟帛拭乾用木香檳榔散傳  
之如夏月醫之更妙

世足跟紅腫凍瘡

足跟

左足指面後跟赤白肉際  
骨下刺入參分彈針出血

凍瘡

外科五

瘡

可灸參  
朱壯

足跟凍瘡潰破用葱椒湯洗刮去腐肉用稜針出血將馬尾勃入生牛骨髓調和傳之効

禹錫取臘月牡鼠死者一枚油一大升煎之使爛絞出粗再煎成膏塗凍瘡及拆破瘡

治凍瘡用茄根燒灰洗了用雀兒腦髓塗之丹治凍瘡用煎熟桐油調蜜佗僧傳

山用五倍子煎湯洗

如神散羅氏

治凍瘡皮爛痛不可忍用川大黃不

多少為細末新水調掃凍破瘡上痛止立効

爛痛

于和戴人女僮足有凍瘡戴人令服并車丸溶川散大下之遂愈人或疑之戴人曰心火降則寒消何疑之有

雉腦膏 治凍瘡久不瘥年年發歇先痒後痛然後

腫破出黃水及血出不止

雄雉腦壹枚 研爛

黃蠟各等 分

清油壹半

右同於慢火上熬成膏去滓入瓷器中盛每用塗

瘡上

栢葉膏 治凍瘡手足指欲墮及耳欲落

栢葉炙乾為末 肆兩

杏仁去皮研 拾个

頭髮壹拳大

凍瘡

小兒

頭

食鹽半兩  
油壹升

乳香貳錢

黃蠟壹兩

右先煎油沸次下前五味藥待髮盡再下黃蠟攪  
勻磁盒收先以熱小便洗瘡以綿挹乾後以藥塗  
卽以軟帛裹勿令寒氣侵入每日三換如瘡漸差  
三四日一換

橄欖散 治脚凍瘡

右用橄欖核燒灰存性爲末入輕粉油調塗

一、女年數歲嚴寒上京兩足受凍不仁用湯泡清其  
春十指俱爛牽連未落予用托裏之劑助其陽氣自

潰脫得保其生此因寒邪遏絕運氣不至又加熱湯  
泡潰故久而不痛也余嘗見人之嚴寒而出凍傷其  
耳不知痛痒若以手觸之其耳卽落當以煖處良火  
或熱手熨之無恙若以火烘湯泡其耳卽死至春必  
潰脫落矣北方寒氣損人若此可不察之

此方... 治漆瘡... 聖濟總錄... 漆瘡諸方... 生柳葉三斤冬用皮煎湯適寒溫洗之... 芒硝五兩湯化浸洗之... 豬膏一味熬去滓停冷塗貼之... 生螃蟹一味取黃塗傅日三五次... 荷葉燥者一斤煮水洗之以貫眾末摻之乾則油和塗... 雞子黃塗瘡上乾則易之不過二次... 黃櫨木煎湯頻洗之

漆瘡

聖濟總錄治漆瘡諸方

生柳葉三斤冬用皮煎湯適寒溫洗之

芒硝五兩湯化浸洗之

豬膏一味熬去滓停冷塗貼之

生螃蟹一味取黃塗傅日三五次

荷葉燥者一斤煮水洗之以貫眾末摻之乾則油和塗

雞子黃塗瘡上乾則易之不過二次

黃櫨木煎湯頻洗之

漆瘡

外科

一方穀精草煎湯洗甚速効

又方用白礬煎湯浸洗

又方用杉木煎湯洗之効

又方用莽艸葉煎湯洗

又方用無名異末水調傅

又方用羊乳傅之愈亦治蜘蛛瘡飲之尤妙

治漆瘡凍瘡大咬瘡並用秫米嚼爛塗傅

治漆瘡久不差用漆草搗爛傅患處立効

發瘰

瘡瘍發瘰因氣血虧損外邪所搏或內虛鬱火所致其形牙關緊急四肢勁強或腰背反張肢體抽搐其有汗而不惡寒者曰柔瘰風能散氣故有汗也其無汗而惡寒者曰剛瘰寒能滯血故無汗也皆由亡血過多筋無所養故傷寒汗下過多與潰瘍產後多患之乃敗症也若大補氣血多有復生者若作風治速其危矣 秋官張同野舊有流注因暴寒睡炕口目抽搐手足戰掉余以為氣血虛熱而然用參芪歸朮川芎山梔柴胡半夏天麻炙甘州治之愈 吳瞻之

發瘰

外丹五

百七

給事陸馬傷首出血過多發熱煩躁肉腠筋惕或作  
破傷風欲發汗驅風余曰此亡血火動也無風可驅  
無汗可發當峻補其血用聖愈湯二劑頓愈又用健  
脾胃養氣血而全愈 一儒者背瘡將愈發熱煩躁  
自用降火之劑項強口禁自汗惡寒此汗多內亡津  
血筋無所榮也用補氣血之劑及地黄丸而愈 一  
男子素勤苦早行遍身發疥瘡口禁目直肌弦緊此  
勞傷氣血內熱外邪所搏也用補中益氣加山梔羌  
活川芎而瘡半載後遍身作痒搔破成瘡發熱作渴  
脉洪大而虛復以前湯加芍藥麥門熟地天麻而愈

一儒者善怒患瘰癧復因大怒跳躍忽仆地兩臂  
抽搐唇口喎斜左目緊小此肝火血虛內熱生風用  
八珍散加牡丹皮釣藤山梔而愈次年春前病復作  
兼小便自遺左關脉弦洪而數余謂肝火血燥用六  
味丸加釣藤五味麥門芎歸治之漸愈又用補中益  
氣加山梔釣藤牡丹皮而安 一瘰婦因怒仆地瘡  
口出血語言蹇澁口眼喎斜四肢拘急汗出遺尿或  
用驅風之劑六脉洪大肝脉尤甚此肝火熾盛也用  
加味逍遙散加釣藤及六味丸尋愈 一婦人患內  
痔因勞出血甚多不時發瘕飲食少思形體倦怠其

面色白余謂此氣傷而不能統血也用補中益氣湯  
反寒熱出血此陽氣虛寒也仍以前湯加炮薑四劑  
寒熱漸止飲食漸進又四劑而血頓止後因勞役或  
怒氣即便血或發瘧投以補中益氣湯加釣藤而愈  
一婦人素性急患遍身瘙癢或項間結核常服搜  
風順氣之劑後大怒吐血唇白牽緊小便頻數或時  
自遺此怒動肝火而血妄行也用小柴胡湯加山梔  
牡丹皮而愈 一癩婦因勞兼怒四肢攣屈頭痛自  
汗小便短少畏見風寒脈浮弦緩此氣血虛而風寒  
濕熱相搏也先用東垣清燥湯漸愈再用加味道遙

散及八珍湯加牡丹皮而痊 一婦人素有肝火兩  
拘間或腫痛或寒熱忽然昏憤瘈瘲抽搐善伸數欠  
四肢筋攣痰涎上升此肺金燥甚而血液衰少也用  
清燥丸六味丸兼服尋愈 一婦人因大勞患腫瘡  
發疔瘡搔碎成瘡日晡熱甚或口噤發搐或頭目眩  
暈此肝脾氣血虛而內熱以八珍散加柴胡山梔治  
之諸症少愈復因怒前症復作經行不止此肝脾血  
熱用加味道遙散漸愈又用八珍散加柴胡山梔而  
痊 一婦人發疔瘡日晡熱甚月經先期或頭目昏  
眩或寒熱發熱或四肢抽搐此肝經風熱血燥用加



味道遙散治之尋愈後因怒前證復作口噤遺尿此  
肝火血燥也用加味小柴胡湯治之漸愈又夜間發  
熱譫語此血分有熱也用小柴胡湯加生地而愈更  
用加味道遙散調理而安  
一婦人患繭唇月經先  
期余以為肝火血熱不信乃汎用降火之劑反致月  
經過期復因勞怒口噤呻吟肢體不隨六脉洪大面  
目赤色用八珍加五味山梔丹皮麥門數劑漸愈兼  
用逍遙散六味丸料各三十餘劑全愈  
一婦人經  
行遇怒其經即止甚則口噤筋攣鼻衄頭痛痰涌抽  
搦瞳子上視此肝火熾甚以小柴胡加熟地黃山梔

子釣藤鈎而愈  
一婦素陰虛患遍身搔痒誤服祛  
風之藥口噤抽搐肝脉洪數余曰肝血為陰為木肝  
氣為陽為火此乃肝經血虛火盛耳宜助陰血抑肝  
火遂用四物麥門五味柴胡山梔生草熟地頓止又  
以八珍加黃芪麥門五味釣藤炙草調理而愈  
一  
婦人久患流注脾胃虛弱忽痰壅氣喘頭搖目劓手  
揚足擲難以候脉視其面黃中見青此肝木乘脾土  
也用六君加柴胡升麻治之而甦更以補中益氣加  
半夏茯苓而安

半夏桑杏湯而治之  
用六春以寒因寒而治之  
用六春以寒因寒而治之  
用六春以寒因寒而治之  
用六春以寒因寒而治之  
用六春以寒因寒而治之  
用六春以寒因寒而治之  
用六春以寒因寒而治之  
用六春以寒因寒而治之  
用六春以寒因寒而治之

類破傷風

破傷風方論已載雜病第五此其似是而非者爾  
薛大凡癰疽潰後筋糜肉爛膿血大泄陽隨陰散或  
筋脉拘急惡寒惕搐甚者舌強口噤項背反張痰涎  
壅盛便閉汗出不時發熱此氣血俱虛而傳變雖與  
破傷風相類而主治之法當大補氣血若果係風症  
亦須以大補氣血為本而兼以治風之藥設若不審  
是非而妄藥之則誤矣 司徒邊華泉肩患癰潰而  
發熱目直或矐殊類中風日晡熱甚脉益數此足三  
陰氣血虧損虛火妄動用參芪歸朮炙草加酒炒黑

黃蘗五味麥門肉桂四劑而愈又數劑而斂 陸大  
 行背瘡內潰出膿二盞許用托裏之劑痛止腫消停  
 藥忽寒熱作渴頭痛自汗此元氣虛而未能復也用  
 十全大補加麥門五味肉桂二劑益甚診其脉如故  
 此藥力未及仍用前藥加附子一錢三劑諸症悉愈  
 乃去附子加肉桂數劑而斂 一儒者患腿癰深蓄  
 於肉肉色不變久不穿潰針出膿瘀五椀許惡症駢  
 臻全類中風此脾胃虛而變症也用六君子加當歸  
 炮薑及聖愈湯各四劑而安又勞心不寐用歸脾湯  
 而愈 一儒者傷寒後患流注腫痛潮熱用十宣散

敗毒等劑出稀膿五六碗許發熱惡寒煩躁作渴殊  
 類被傷風症而歿 一男子背瘡未痊斂以膏藥剪  
 孔貼之患破傷風症而歿此先失於內補外邪襲其  
 虛耳余見此症貼膏藥剪孔欲其通氣而反患破傷  
 風搽斂藥生肌欲其收口而反助其餘毒以致歿者  
 多矣可不慎哉

Faint bleed-through text from the reverse side of the page, including characters like 水入瘡, 治水毒, 瘡腫痛, 或刺入骨者, 皂莢子, 朱粒, 大乾蝦蟇, 壹枚, 胡椒, 拾伍粒, 右用乾鍋, 入藥在內, 瓦蓋鍋口, 慢火燒烟盡取出, 研細, 每用藥先以温漿水洗瘡口, 拭乾, 搽藥, 次以, 別膏藥貼之, 良久, 水盡出, 有刺者, 即自見, 鉛丹散, 治破傷, 入水腫潰, 不愈, 鉛丹, 蛤粉, 等分, 右同炒, 令變色, 搽瘡口, 上水即出, 漸愈, 去水膏, 治癰疽, 破穴, 後誤入皂角水, 及諸毒水, 以

水入瘡

皂子散 治水毒入瘡腫痛或刺入骨者

皂莢子 朱粒 大乾蝦蟇 壹枚 胡椒 拾伍粒

右用乾鍋入藥在內瓦蓋鍋口慢火燒烟盡取出  
研細每用藥先以温漿水洗瘡口拭乾搽藥次以  
別膏藥貼之良久水盡出有刺者即自見

鉛丹散 治破傷入水腫潰不愈

鉛丹 蛤粉 等分

右同炒令變色搽瘡口上水即出漸愈

去水膏 治癰疽破穴後誤入皂角水及諸毒水以

致疼痛及驢馬尿糞一切毒水入瘡並治

糯米粉

砂糖各叁兩

甘艸生末壹分

右為膏攤在絹上貼毒水出効

馬汗入瘡

治馬汗入瘡毒氣攻腫痛方

右用馬鞭上手執處皮燒灰研細和豬膏塗瘡上

一方以馬鞭稍燒灰豬脂和塗瘡上

治驢涎馬汗入瘡

右用乾冬瓜燒灰洗淨瘡口擦藥在內一方用冬

瓜青皮陰乾為末傅之

瘍醫準繩卷五終

